

太

函

集

太函集卷之七十九

新都汪道昆伯玉著

頌十六首

千秋頌

有序

王居襄高義聞於天子乃賜卷衣致圖書譽王當
是時王春秋二十有八禮官請得令國中上壽如
令甲王卻之於是吳人汪道昆蜀人馬進階黔人萬
廷臯晉人蘇烈陳經正皆待罪守土乃率羣吏請曰
高皇帝分王子姓世多賢王要以上結主知下持
國是宜莫如王賢者夫華門圭竇之人三十始理男

事及其強仕猶或不能稱上官王始勝衣業已南面
稱令即今諸侯王多善譽而王獨以年少擅場顧乃
退讓不居罷有司毋稱賀非所以章盛德脩上儀也
願以爲請王可之諸賓客謁曰古之爲壽者或以卮
酒或以千金夫孰賢於善頌守先羣吏願守爲王頌
之守曰唯唯頌曰

於昭 帝祉延本支兮奄宅南國世德齊芳歷建昭
陽貞攝提兮篤生景胃觀昌暉兮修姱六八美且仁
兮受茲赤社純德明兮秉心淵塞鏡太清兮諤諤良
士進宵人兮誦法先王操左契兮葆我貞白祛盛麗

今江漢湯湯沅豈弟今載其清靜民以治今明明
天子睦懿親今乃睦方國慶賜行今黼衣朱黻渥采
陳今申錫譽命駿有聲今東平好脩昭來許今厥有
河間陳鍾呂今名實純粹溢終古今維王幼清孰與
伍今滔滔盛夏下令辰今揆王初度嚮朱明今卿雲
有爛河漢清今瞻彼南極燭景星今僉曰休哉王德
洽今義問宣昭深不伐今乃叩司閭排閭闔今願祝
巍巍享黃髮今皇皇侯度歛盛容今悚然意下抱太
冲今徒縣卻御徹鳴鐘今乃罷三老謝羣工今在昔
周澤潤南土今小心昭事饗純嘏今帝賚百齡篤周

祐兮王秉謙德滋昌阜兮肆予下吏詘章程兮願承
休德守國經兮方城漢水樹藩屏兮於萬斯年正始
昆兮

壽豈堂頌

有序

博士諸生言處士劉公絕賢請優禮之如令甲劉公
者直指君父也直指君居漢上者三年期當還闕
下有司勸駕直指君謝曰存義有大夫在且春秋八
十老矣乃今幸得歸養柰何復事千里游乎守曰何
哉君所以養大人者將必在寒煖薦糲薌而後可以
望大人之腹乎然此者古人所謂養也非孝也昔曾

元能養有道者少之養志紉矣大人之志何居於是
直指以告處士處士笑曰嘻太守言是自吾父少府
公世受博依余以老諄無聞乃今孺子入官資適逢
世使無忘其舊服庶幾乎骨鯁之臣即而翁家食視
五鼎侈矣不然堂下何啻千里寧能爲咕嚕語邪守
聞之曰善乎處士之言臣子之節章章夫夫忠孝非
兩端也人臣夙夜兢兢務竭其股肱之力求無忝所
生耳語曰事君不忠非孝也然則孝子之盛節其唯
良顯乎哉直指君行矣於是太守執爵而醕處士以
三老之禮禮之會處士考居室之堂太守名之曰壽

豈且爲之頌頌曰

翼翼者堂臨廣漢今近市不囂蛻紛亂今江離薜芷
緣井幹兮荆石爲除白章燦兮中有黃髮葆天真兮
翩翩濁世冠切雲兮屬厭六氣卻常珍兮燕譽無疆
昌後人兮矯若游龍不可擾兮之子利見在宮沼兮
挾彼風雲洽四表兮毋爲尺蠖甘自稿兮高高鹿門
有遺則兮涉世不夷王迹熄兮授子菑畚食舊德兮
德音不嗣闕世澤兮君子之堂同邑里兮紛有姱節
皦不滓兮高門有閭路車止兮發潛闡幽唯令子兮

華麓頌

新都以山顯者曰小華其上有軒轅之跡去百里爲
麓長君講業其間業既成遂有四方之志長君不怠
舊服命作頌焉伯子唯唯頌曰

奕奕天都冠南服兮委蛇百里邇大麓兮厥若綴旒
高不亢兮列仙攸宅帝子降兮若若樓居結䟽寮兮
桂樹冬榮秀朱草兮太一爲隣窺衆妙兮北面浮丘
營至道兮保爾幼清蛻汙瀆兮無寧改步趣華轍兮
明明在上際昌阜兮衆芳並進寔繁廡兮乃睠隩區
不遑處兮明發有懷依故宇兮惟山有靈結成言兮
出王游衍永弗諼兮

西郭草堂頌

有序

商侍中事 莊敬太子籍籍知名既而中貴人推轂
侍中宜在近習侍中謝不勝任乃以侍中監路馬授
衣如尚方侍中陸沉於鷄鶩貝帶之間皜然不滓於
是公卿大夫爭願交驩侍中已未春正月乙酉侍中
就舍爲會賓客皆造焉旣脩爵賓舉旅行酬相語曰
自 高皇帝定約法中官往往有社稷功乃今給事
禁中宜莫如侍中賢者且春秋五十有三耳居常引
大體多負俗之言少以善射名有奇略內之就養左
右守邇臣之和外之擐甲以臨材官脩封疆之事宜

無不可此社稷之役也顧逡逡退讓惟芻牧是供辭
寵利而不居後名實而不自試侍中獨無意乎侍中
謝曰尚質待罪輿衛且有常餼足以代耕西郭有田
二頃歲收其入足以事賓客寵祿過矣方日夜慄懼
猶恐得過於有司乃若侍上臥起先意而承事之
則國之長老在尚質寧詎能乎攷令甲中官歲給有
差大都減卿士之半獨在近幸則齋用饒其餘莖莖
耳古大夫有羔羊之節歌者猶或多之即使廉而有
立志不祈多蓄獨不欲致青雲依日月乎哉季子薄
負郭之田二頃以車裂終然則侍中之所以擇術者

賢於季子遠甚彼其視六國之輜重直土苴耳此非
遠昭曠之道惡能辨此邪乃命酌者行觴余爲之頌
頌曰

有堂翼翼爛金鋪兮辛夷爲楣蘭爲疏兮樹蕙百畝
畦揭車兮隔閼朝市城之隅兮淑人洵美習燕游兮
有馬歎玉出長楸兮冕紱充庭列公侯兮千金爲爵
萬年酬兮承明廣內多寵靈兮戒爾赤舄蹈國經兮
車輪曳踵涉春冰兮無寧卻步以葆真兮懷瑜握瑾
閨中藏兮深厚不伐謀則臧兮願言壽穀享無疆兮
以燕以譽君子堂兮

率更堂頌

有序

元年 上即位羅仲子應鶴舉明經郡中先後舉者
無慮數十百人乃若急不業遠有司則籍籍稱仲子
都人士言仲子父處士長者宜仲子賢 上四年郡
大夫以率更之禮禮處士處士於是乎始杖以四豆
歸聚族于堂邇爲處士壽處士肅諸父老次諸昆弟
次學士諸生諸父老乃酌上尊爲合語吾宗自豫章
來徙累世蓋州顧鄉曲之譽歸焉則諸長老在頃者
一夫受法株連吾宗席宗祏之靈不失世祀諸長老
往矣儀刑之謂何乃今所謂老成人則唯處士郡大

夫其將樹處士爲閭里率誰曰不宜諸昆弟鴈行而
前執爵而羞處士淮海爲天子外府上賈居之吾
宗雄峙其間何論陽翟要以富而好行其德寧詎人
能乎處士少孤力以故資起務矜已諾振人之窮
嘗卻賈豎朱氏金歸窶人子舍其直由是聲聞淮海
至今誦義不衰郡大夫賓處士於鄉其以勸鄉之爲
良賈者旣而學士諸生旅進修爵而言處士有子七
人擇能者使受經術諸子多所就業而仲子先鳴處
士日討仲子而訓之舉子猶處子也不笄而字其能
婦者幾何吾鄉文獻舊都姬姜之所自出孺子勉矣

其母失教於公宮羅氏自建炎以還先後顯者多不
譽乃仲子兢兢奉教壹稟於正經有開必先處士是
已郡大夫敬事處士將令訓子者取則焉不佞幸以
禮起家惡敢謂知禮意自不佞家食里俗波流羣少
爲政而老不及聞學者賈者不復爲名高而壹歸乎
厚利處士方以行義取重俗其有瘳乎觀於鄉而知
王道固非虛語仲子從吾宗受室宗丈人屬不佞頌
之不佞唯唯頌曰

滾川泱泱載自豫章殷殷露積奕世相望處士承家
藐焉六尺操筴趨時迺倍疇昔義聲籍甚窮乏歸心

寧孤而子寧攫而金爰及中年有子競爽末利何爲
蓋歸吾黨之子受賈之子受詩豈惟博依太史作師
一蜚翩翩厥有仲氏鵬在成均鴻在博士仲承彛訓
惟日孜孜下帷修業不恩有司維仲之良具曰有考
始也克虔終譽可保煌煌俎豆奕奕橋門禮儀必度
慎乃司存誰其主之大夫執禮誰其作賓處士則以
邦人具在適觀厥成載在惇史蔚爲國經嘉言滿堂
度越金石小子作頌播之無斁

燕喜堂頌

有序

吾邑中蔣氏最著世擅素封諸少年結客而游其齋

用與千乘等擊鍾列鼎曰以爲常吾舅次公舉宗所謂魁然丈夫也舅席王舅故業其貲足豪嘗東爲海岱之游游道廣矣及王舅且老遂釋業西歸居子舍者數年王舅見倍事王母加謹終不復東當是時諸蔣方鼎盛人人謂舅使次公猶然在賈其盛可知何爲是棲棲耳舅謝曰吾嘗周游四方習千金之子旣又省吾甥 闕下主吾宗定西舍習侯家視諸富貴者容蓋嘗目攝之矣彼富貴適來者也賓也吾父母吾妻子吾所待而爲吾者也主也吾不斂柰何倍主而從賓且吾聞之苟可以食不必八珍苟可以飲不

必六齊吾父不逮而吾母存吾率吾妻吾子環而侍之吾母春秋高視子姓咸在飯菽飲水卽八珍六齊不啻也歲乙丑舅行年五十而王母始稱老焉道昆越在南疆皆不得登堂爲壽於是北鄉而酹者再且致燕喜之頌云頌曰

有堂奕奕切天都今桂棟蘭橈辛夷櫨今流雲在戶
虛白居今吉祥止止儼華胥今都房樹譖紛綽約今
朱艸充庭羅廣薄今蟠桃三千果有碩今西降王母
侍方朔今維春及秋撫令辰今子弧母悅縣高門今
高門有閼朝日暎今姣服如雲盛後昆今湯谷爲尊

露爲醴兮兕觥爲壽史迭起兮水周堂下集魴鯉兮
式燕以敖胥樂只兮東隣椎牛西封羊兮朝召許史
暮金張兮輿臺異采馬異糧兮福澤盈眦意揚揚兮
猗與碩人操獨見兮葆真守白去健美兮潔爾晨羞
豐夕膳兮家慶翩翩無畔援兮我思古昔純德同兮
孜孜惟日藐三公兮燠寒必在甘毳充兮惡用遠駕
馬首東兮維南有山排雲起兮喬松千仞溪瀾瀾兮
山靈呵護閼地紀兮番番黃髮綏福履兮維此勞人
擊一方兮有懷明發不遑將兮生有爛熳而昌兮
北面稽首贊無疆兮厥有奚斯頌壽母兮穆如清風

播終古今堂下有笙應懸鼓兮願言來歸歌且舞兮

立庭頌

有序

方氏祖僊翁而宗黥侯遷聯墅徙巖鎮景真負世俗而從里俗託于賈游泝江陵入巴蜀十年而起十年而饒反歛故居食指滋聚乃考市南之室胥栖內而遷之室面南山倍豐樂水左璋谿當綰轂右瀦九龍池其比隣則余內兄子文仲余近屬弟道弘具在閭右始將入室余署其楣曰立庭文仲則曰居第當傳子孫厥有當戶顧名思義輦鑑在焉景真有子斗符授之三禮吾鄉先達率由此起家司馬故嘗受命庚

堂問業于柱下史今茲之事職之主器義在斯乎余
曰其然然未盡也道弘則曰士由興而立禮以爲階
夫禮所以致中故時爲大時易則易時于則于已美
則踰已菲則廢中道而立與時宜之國奢則示之儉
國儉則示之禮里中壯麗相望連櫪萬家不已美乎
故折節而爲儉早服重積其斯爲天下寶與顧上治
烝嘗下治國族卽不翦不斷惡用貊道爲哉乃今有
節有文斌斌然有方之士以此爲訓出入不倍于戶
庭景真未之逮而有志焉伯兄先得之矣思可與立
殆庶幾行其庭而見其人乎余曰其然然未盡也吾

所謂立也者非世祿以也其諸季文子之所謂立也者與哉立德立功立言是三不朽禮而不虛之謂德禮而不伐之謂功禮而不愆之謂言無物不在禮矣三而一得儼乎君子之庭疇昔居室莫善于公子荆頌居室莫善于張老景真則子荆之屬也余將效張老頌之頌曰

巖之鄉三天子鄣帝時維白帝庭維黃千秋萬歲樂以康

巖之里豐水瀾瀾爽而不秋姁而不鄙考卜十朋君子所履

巖之門不縣簿而尊客履在戶如雲之屯豈無巷言
心遠不喧

巖之阿雀可羅主人有酒且多一獻百拜無乃苛
執法在前柰酒何

巖之宰卓爾有立爲柱爲石爲引爲尺爲平爲城爲
丹爲碧爲德也頌爲功也律爲言也秩繩繩緝緝爾
後之人無斃

三楚升中頌

三楚以民治代興皆楚之良也馨香四達和洽神人
輿誦升聞帝命方外司馬汪道昆勒之石

郡太守雲杜徐公成位

御萬曆兮紀年五恢帝紘兮睠南輔簡在今秩宗蒞
新都兮守土履振闌兮望堂皇鏡秋水兮戴春暘振
月題兮釋策馴蹄囓兮周行民囂兮訟結五辭具兮
片言決近欲聞兮聒嚅遠將援兮蹶躅下黃髮兮推
赤心培棧樸兮暢儒林峙常平兮凶無暴扶不逞兮
沃母淫息紛爭兮釋携貳均犒錫兮歸農事順帝則
兮相忘窺海若兮無浹奉繡斧兮東遷筭六籍兮囊
五絃肱篋兮不閉民遮道兮呼蒼天歲功成兮三歷
繕宸居兮北極周澤渥兮溢四封良莫良兮二千石

郡司直武陵龍公膺

倬有美兮稟幼清濟奕世兮蜚英聲剖荆山兮玉質
起丹穴兮鳳鳴出爽鳩兮理南土奉三尺兮具文武
陳衡石兮麗天倫釋析楊兮祛罪罟桺含光兮直無
形讞吳會兮宥上刑攝三章兮流豈弟周六郡兮民
不寃緣文學兮飾吏牘鼓諸生兮赴正鵠宰榆社兮
蒞齊盟急緇衣兮下白屋吞雲夢兮吊湘魂陟蘭臺
兮括典墳張楚材兮有斐備宣室兮敷陳紛推轂兮
廣路忽一跌兮夷庚將溷夷兮幽惠卜輿論兮憤賄
賄而不平昔周旋兮帝側儼對越兮天則剗岫嶠兮

紀舊德良莫良兮郡司直

海陽令丁公應泰

陸有海兮閔扶桑規百里兮夷大方矯游龍兮沿鄂渚挾霖雨兮海之陽戢垂天兮八翼沛來蘇兮帝澤蠲水族兮屏長鯨距污瀆兮湛空明斥沃焦兮湯沐浴初日兮盈盈停佚征兮歲萬計罷力役兮歸耒耜因露積兮萬斯倉立平準兮市安肆雨暘偕兮歲殃僵菜色兮相望旣懸磬兮比屋疇聞糴兮關梁遵里社兮發粟急調饑兮皇皇藉資芥兮良賈職灌輸兮四方餽饑人兮道路肉白骨兮溝渰粒烝民兮鼓腹

化從目兮爲良虎伏辜兮鬼斧雉委質兮白章翼頽
鯉兮直上茁少城兮芝房反休符兮上帝辭明貺兮
未遑帝鑒兮懔懔良莫良兮楚令尹

竹頌

楚有橘頌作者將有託焉乃今藝竹以萬玉鳴橘不
良于竹也爲之歌楚其治世之音乎作竹頌

荆山之麓稅使車兮閒閒十畝君子廬兮幽篁叢生
徙南服兮佩玉珊珊無庸璞兮江漢曾波一洗余耳
兮聲中九成余因以隱几兮亭亭嫵節脩且貞兮屏
琴捐珮納英聲兮湘靈釋憾愉色喜兮齷齪封君其

將焉比兮鳳鳥來下青琅玕兮既秀而野若可餐兮
雷聲龍見角而翼兮皇人委蛇扈特室兮響應咸池
闐八極兮兩階萬國程司直兮豈不眈眈懷故宇兮
帝命伶倫作鐘呂兮雌雄六鳴中聲舉兮燕郢相望
庭可旅兮

瑞麥頌

有序

歛巖邑也以疆理則田不足什之三以樹藝則禾不
足五之一原阪之利率麥倍禾耕者田不宜禾三歛
而麥居一宜禾則禾爲政麥無征故麥尤爲小人之
依其地利衰矣歛蕃生聚以谷量人比三年凶以澤

量殍昔歲淫雨害麥來牟並災既旱而禾半登曾無
及于溝壑彭令君爲之蒿目爲之薰心旱則暴雩溢
則露禱災則親問疾則羣雛發廩則躬賑之設糜則
躬餉之日裹餼糧屏輿從策羸馬周行域中探采阻
披蒙茸不啻家至人益之矣是歲邑之西牧里名長
齡令君按轡里中田父遮馬首而薦瑞麥蓋一莖七
穗者若干本一莖五穗者若干本三穗者數十本二
穗者數十百本于是諸父老羅拜都人士前致辭麥
秀兩岐歌人侘爲希有以今視昔什百云乎哉吾儕
小人卽不敢薦之寢廟其斯爲君侯之瑞願效之君

侯令君謝曰嘻凶年而有休徵是重吾不德其何以
承天之貺 聖天子惻瘼寓內加惠元元二三執政
相與贊襄一夫有饑由已饑之也監大夫部使者祇
承德意日與監司二千石孳孳拊循茲瑞也 太上
之明馨居中之燮理所部之潤澤守土之栽培者也
臣好古救罪未能其何與于此其年風雨不偕麥大
有秋旣則旱甚無禾穀價三倍幸而野無暴骨邑無
流亾何所恃之恃麥而已竊惟撫升平而臻瑞應豈
不足多要以疑和致祥緩急無預惟夫歲當大殺所
獲非常卒之轉禍爲祥災而不害殆猶饑渴之望飲

食寧取辦甘露胡麻乎哉王者以民爲天民以食爲
天是惟王者之瑞殆天瑞也昔周獲嘉禾賜周公于
魯蓋舉王者之瑞壹歸之乎元勳侈矣然則今茲之
瑞也非令君將誰歸不佞道昆載筆而爲之頌頌曰
皇輿經畫大啟田功雨暘時若年穀屢豐無平不陂
義和用事剡步南郊皇皇雩祀越在丁戊東南游饑
樂哉甸服亦旣流離三天子都羣山叢峙食土之毛
百夫一耜旱乾水溢輻輳頻仍比隣閉糴市價滋騰
暑雨恣睢來牟不粒下民其咨殍尸枕籍令君勞止
災切剝膚胼胝勿恤徯我來蘇乃申行部乃告司徒

乃叩 帝閤沛澤覃敷 帝曰予辜乃蠲乃賑成賦
勿征尚方勿怙令君額額躬問顛連療饑于吻肉骨
于原無突無烟無晦無鏹麥漸漸三農畢作嘉生
挺出協氣迴翔一莖七穗展也農祥時而二三時而
四五其穗弘多其徵蕃庶旅陳遺秉于縣大夫反凶
爲瑞君子休符大夫不居歸之守土守土未遑歸之
大府大府避席 天子之休三公四輔入告嘉猷具
曰蒼蒼視下若此恩斯勤斯父母孔邇歲之不易撫
我則親天瑞非天人瑞非人語曰天不人不因人不
天不成民罔常懷懷于有仁皆是物也

人間世頌

與其媚世吾寧遺世與其遺世吾寧玩世毋曰世喪
道毋曰道喪世吾將以是出世

養生主頌

胡然而生生胡然而長生胡然而無生予曰有好生
予曰有達生予曰有無住生

大宗師頌

吾宗孔氏爲百世師吾宗老氏爲聖者師吾宗佛氏
爲天人師時而時中孔氏是師時而玄同老氏是師
時而圓通佛氏是師吾無常師吾有餘師吾自得師

吾自喪師

逍遙遊頌

五陵俠遊吾故倦遊五嶽仙遊吾將臥遊采真神遊
疇采疇遊造物天遊疇造疇遊世恣恣爲三遊吾僊
僊爲四遊吾其爲方外遊吾其爲物初遊吾其爲汗
漫遊吾其爲逍遙遊吾適吾適遊無所遊

太函集卷之七十九

太函集卷之八十

新都汪道昆伯玉著

贊二十五首

無量壽佛贊

持世世尊時乘龍象闡教娑婆盈盈大藏西極至人
牛車同軌沉默非空莊嚴非相其國極樂其壽無量
四十八願普度衆生千華世界九品臺城長年丁壯
歷劫升平林端甘露羽族和鳴導恒沙衆解脫無明
同登彼岸率履夷庚接引何勞跣趺何寂無聖無凡
無顯無密無度無迷無通無塞既無無央亦無無極

大方廣集 卷之八十一
十方三世斯其第一

彌勒佛贊

是閻非閻彈指便錯是院非院不脩便現是米汁非
米汁川流不息是布袋非布袋撒開無礙被釋迦攬
了行脚被善財偷了鎖鑰刹那間放下皮囊也不問
天親無着

聶真人贊

僊乎卿冠不纓遵玉笥傳霞城帝懸解仙骨生刑伯
主卻戎兵辟南面歸上清劍氣騰雷聲轟祠鄉校肇
宗祊式如葛式如彭師誰氏或廣成強名道道無名

又小贊

爾窺竅妙爾契希夷爾象帝先爾和天倪

聶鍊師無名子贊

蚤襲希夷直窺竅妙象罔冥探祝融高蹈逍遙爾祖
玄同爾師祖武則膠師心則携爾惟無名是曰太樸
非祖非師歸乎寥廓

聶少翁贊

爾生之初茅君畀之特而孱也彊宗睨之天牖其衷
脩短在我自我求之宜無不可浸假而在可脩吾胡
爲而夷猶浸假而骨可肉吾胡爲而溝瀆乃介信使

六四集 卷之八 二
敦異人求至道陟上乘貴不辭雉勞不辭頻玄珠可
握赤水可憑旣而天門開仙侶至授九還飡五氣羽
化待期神游咸暨遂乃肩文成玩武帝肆滑稽班近
侍脫屣於朝懸壺於市鵬鷺龍蛇惟其所恣及夫周
海岳歷寰區徵莫逆結吾徒藏名闕闕藉口秦盧含
光不刃孰測其都此非我之自我又焉知吾之真吾

貞吉王孫贊

弗袵而衣弗玉而食雲漢爲章典墳爲粒豈無騷衷
龍種則殊具曰 天屬展也閔儒

楚恭順王子鎮國將軍仲和小像贊

美且仁鎮公子切雲冠遠游履蘭臺岩岩雄風起伊
余披襟當戶倚河間大雅卓不群肩隨左史窺典墳
初筮投簡紛如雲流商刻羽歌鍾聞延太乙兮天祿
汲中濡兮空谷鳴流水兮濺濺紉蘭芳兮郁郁惟庚
寅歛上征淮南蛻羽翼成藉良史主儀形脩尸祝僂
容聲

別駕吳先生贊

有序

汪伯子曰余嘗讀儒林循吏傳未嘗不忻慕古人所
爲然其致用者較異吳公補學官即能學官及領州
縣則又能州縣卒之去官如脫躡而天子知名是

能睹大體者因爲之贊贊曰

矯矯先生握瑾懷珍纂乃考服蔚有英聲敬敷功令
術士斌斌周諏民隱吏治烝烝有覲詭隨言遵直道
頡頏上官容與高蹈 帝曰疇咨旌爾雅操別駕馳
榮名區錫號河汾接軫彭澤並驅光流俎豆譽藉丘
閭斯于秩秩君子故居憬彼姱節風於懦夫

汪處士贊

有序

吾宗著休寧西門率用鹽鹽起處士生而廣穎巨口
父命曰獅字曰本威年始勝衣輒當室遂賈淮海坐
致不貲悉舉而與仲中分之無德色毋金謂仲自而

未亂以迄今日秋毫皆伯氏功第納伯氏千金然後
受券處士固謝不可卒中分毋春秋高處士留居子
舍遂罷四方之事築室石渠老焉里俗喜交游往往
求通顯者處士兢兢守已子孫脩業而息之乃今歷
世阜昌則處士之遺也處士即布衣誦義其亦善始
善終者哉贊曰

皇皇烈祖佑啓來孫海陽閭右時維西門處士少孤
藐焉當戶握筭中州駸駸起富羽翼仲氏長與戶齊
出入擯詔若在埴篲母曰克家繫惟爾力益爾簠金
答爾丕績伯拜稽首台何敢尸維考之靈維母之慈

亦既中分云胡卑厚夫鑒在茲百嘉輻輳高車大蓋
結轍于鄰伊人無黨孝友光明堂有樹蔭依依晚節
薄言旋歸敬養無缺中年稅駕考卜石渠授成子姓
高臥于于於赫儀刑儼然在室敬爾丞嘗終古無斁
明處士儉齋先生吳公贊

汪伯子曰余讀汪大夫所爲吳公傳未嘗不忻慕其
爲人嗟乎舉世務奢溢僭差而公以儉德著使公而
在余願操几杖不辭焉贊曰

於皇遙緒時維延陵素封輻輳朱紱雲興末流昌被
豪舉橫行都人連騎編戶重茵猗歟吳公積居傾縣

負俗獨行折節爲儉衣不完采食不貳膳旣薄紛華
亦去健美丁年任俠躡屩周游垂堂舟楫稅駕林丘
言遵舊服倣載先疇評高月旦慶襲弓裘爰及季年
遂蒙渥澤黃耆維祺寵章有赫往駕莫援來芳無斁
洵美後昆有嚴宗祏

外舅蔣次公贊

有序

舅當少年負盛氣人將以任俠目之舅非俠矣中歲
折節跬步不出戶庭人又將以鄉黨自好者目之然
非直自好者也居常善事父母盡其驩旣又善事兄
子兄諸子諸子或不見德無奪心及兄歿不能喪則

於我殯里俗方席饒溢務芬華舅攻苦茹辛泊如也
既受章服猶然著處士衣冠明年則春秋六十道昆
不及歸故鄉爲舅壽會有良史能以繪事而擬形容
因之南向酹三且爲之贊其辭曰

山有材芘彼崔嵬君子于慙山有麓其松謖謖君子
戩穀山有谿其水漣漪君子期頤

外母蔣孺人贊

有序

往余將內子還司馬則外母涕泣命之越二年內子
從余出典郡外母春秋三十有九以暴疾終比出不
虞不遑爲像其後十有五年余自楚入佐邦政載楚

史行史有異能即不見其生得歿者狀嘗試爲母不肖內子爲之沾襟頃之意勃勃如有神肖矣乃今觀其羣睇壹如疇昔相命時庶幾乎生死存亡即世世不忘可也母出黜之韓氏事舅姑以能婦聞外王父將終亟命母炊黍作糜以進旣一舉箸顧謂母曰婦維爾良願以此粒爲爾子若孫以食吾報母雅不得於娣齟齬百端第謹事之卒未嘗求勝及母見倍娣哭之盡哀里俗勿宜媵人勿子孽子母首舉內子旣遞舉丈夫子七人顧復爲舅內一姬視其二子如已子凡此皆足壽者柰何中道歿乎像成余拜稽首而

爲之贊贊曰

黠黃並峙奕奕崇山景星有婺降精于韓言歸豐水
相在考槃聿脩婦事如孟如桓婦事伊何敬共晨夕
展也夔夔申之翼翼舅曰爾勞饗我康食報尔子孫
有如此粒憑凌與阼梱內有言逡逡折節終始無訾
鳴鳩偃伏息子肩駢薄言進御厥有嬋媛凡今之人
胡不壽考維德之齊允宜偕老爰及中年怒焉不保
逝矣春暉闕茲宿草周南良史能自得師一顰一睇
儻然見之九原可作象服在茲烝禋百世永言孝思
處士方元素像贊

其業博士弁而弗程其旅文士鏘而先鳴其省莊士
玄酒太羹其風國士莫汲王明其托羽士乎翼未成
其歸處士純白孤貞胡爲其象開士天竺先生其斯
爲振古之士人貌榮名

龍相君小像贊

爾貌則揚皚皚乎若朝雲之麗高唐爾材則良英英
乎若剖和氏而登明堂爾度汪汪漊漊乎浩浩乎若
襟洞庭帶雲夢府萬有而吞三光維爾純龐調調乎
刁刁乎若吹萬而發天籟柴立乎中央之人也左提
原而心廣右挈玉而行方其斯儲精于三湘七澤產

文明之域其斯究極乎典墳丘索發二酉之藏

江處士民瑩像贊

爾脩六翮兮二豎睨之矯而薄千古兮扶搖濟之堂
上鳴埴兮季吹箎九臯鳴鶴兮倡和齊明霞綯兮可
樂饑白石爛兮甘如飴浮丘耄兮七聖迷哲人萎兮
不憊遺煒顧眄兮燦鬚眉歷周星兮閔天倪藉良史
兮象光儀神如在兮心則夷榮名駐兮人貌馳胡然
而中道兮胡然而期願

宗老禹父甫像贊

甫壯而羸吾見其魁然而亭亭甫彊而詘吾見其鏗

然而瑟瑟甫艾而脩吾見其脩然而粲粲甫耆而定
吾見其由由然而待盡已焉哉贏則千金詘則環堵
脩則萬言定則千古伊余獨睹其全無亦貌之者僅
得其終武也邪

處士丁季翁像贊

七策多岐五湖重積任術千名以文滅質古有遺民
侗乎椎直承家畱畬奉國鹽筴豐戒漏卮儉傳鳴鏑
展也深藏居然善息造士儒林以亢宗祏惇史乞言
公家受役敦杖于鄉奠楹于席子姓振振舊德是食
宛在戶庭委貌逢掖若著若存烝畀無數

吳田吳次公像贊

有序

次公名良佩字惟和近者卽世四丈夫子謁余志次公墓乃奉遺像觀余余習次公義甚高因爲之贊贊曰

入其鄉海陽閭右若揭扶桑式其里肇自有唐故廬完美見其人昂昂野鶴殆難爲群誦其義讓利如遺皇皇蕪濟于其躬望閭特表賓于瞽宗于其後八轡齊驅鸞和協奏夙夜宗公季也維札仲也維雍貞而不黷無庸放言無庸絕俗君子之光儼然冠裳優然堂皇著存無射良史載筆尸之宗祏

康堯卿像贊

有序

康生造曰造父名世雍堯卿字也父籍名博士以經術顯郡中父暴亡造年少耳旣長將貌父而尸祝之會吳人屠濬客襄陽善繪事造請濬濬謝曰不見而翁者二十年濬不能貌而翁矣造籲天而禱挾日三濬且行父乃見夢及其覺也操筆圖之肖矣造幸從諸生後願爲先人徼惠焉余聞而竒之遂爲之贊贊曰

其骨俱朽其人不朽其貌無徵其夢有徵寤邪夢邪其孝子之心邪

素庵法師像贊

玉爾談塵金爾戒衣即真即幻疇昔疇非

李和之小像贊

洵有美兮溷人羣賓南極兮武夷君曳露車兮冠切
雲蛻污瀆兮挹清芬其言曰寧伸吾節無寧蹶躄寧
用吾拙無寧顛越之人也顛顛昂昂韞櫝而藏純純
常常葆真而光胡然而章胡然而相要之貞良

程思玄小像贊

有美一人皜然不滓爰及丁年乃命良史俯仰無垠
色身有此繪事尔工天地一指爲余象之脩尺有咫

槃礴自如不張不弛專視如侯舐筆如矢神則天行
官則知止玉色溫溫展也君子胡然不居歸于無始
維岳維玠不得其死之子全歸脩文接軹中道而瘖
泰山騶駟疇急在原烝鼎顛趾疇勝在胙六尺受誣
誰云長夜白日昭只

介弟仲淹贊

有序

昔在甲申肇林大作佛事余主檀越與二仲俱適左
史自楚來貌三身有半伯氏中立左仲淹右仲嘉翩
翩鴈行脩廣皆不盈握肖矣明年仲淹病痿積久滋
深亦越七年無祿卽世須臾掩面族史無良幸而圖

出篋中恍然如在時而對越有若更生龐居士有言
但願空諸所有不願實諸所無要之妙有即真空真
空即妙有仲淹辯此久矣余爲之贊屬子矜書之
儒術尔良躬行尔藏獨觀無始旁燭無疆丁年天放
闕而未章既彊而疋未艾而僵胡然單厚胡然溘亾
吁嗟逝矣莫知其鄉祇園有象左史擅場如蟬斯蛻
如蜚斯房神則懸解形則空忘其居畏壘其人庚棄
千秋尸祝有子無央

余元夫小像贊

元夫客大梁故儒生也良史貌元父而肖元夫櫛而

藏之始有子象玄元夫無祿即世象玄則以繪事之
巧力賢于皇尸日一展視之儼然若有見也肅然若
有聞也象玄恃毋而父以貞白終余謂象玄于是乎
能孺慕矣且存考氏之亡章毋氏之善爲之贊之贊
曰

貌傳說者肖傳說則遇以神貌周公者肖周公則徇
以形乃若年未丁而殂胤未孩而孤象爾睢睢視爾
呱呱是故貌元夫者肖元夫嗚呼將求汝於雲門寧
假我以天步將求汝於夷門晞節俠於朝露將求汝
於墓門惻九原之未寤將求汝於廟門徒勿勿而瞻

顧無寧屬專門之工巧其斯見羹牆於當戶

誄四首

歐陽將軍誄

將軍出唐進士歐陽詹後世家南安將軍幼孤藐焉
獨當戶事大母若母孝遇女弟若兄子有恩立門內
諸孤親母黨始受博士業進國子諸生出事有名公
卿入事鄉士大夫三老豪傑覬問相屬尤急人之窮
嘗發粟賑饑饉者纍纍自列郡至粟且盡則輸境外
粟辦給之窮人來歸輒受生業於是千里趾相錯也
呼孟嘗門少喜兵召里中丁夫習技擊爲保甲隣寇

至亡敢入里中將軍不問家客奉日廣歲用不給則
舍業爲資業中衰久乃力詘遇人有急猶然以身當
其無於是貴游客悉去將軍而諸窮交愈益親附市
豪有螫將軍者客請報之將軍謝曰借交報仇此俠
者事深不武終不能借客資諸客聞之無不願爲將
軍歿者時倭犯吳越將軍客東海觀兵遂以貲授泉
州衛指揮奉檄就舍會倭薄城下軍府檄將軍勒甲
士保泉州諸甲士負弩蹶張賊再敗乃卻軍府知其
材足賴也則以泉州聽將軍將軍遣漳豪何大榮募
漳壯士漳人故嘗德將軍者爭應募得八百人連擊

賊南安同安皆折首尋援漳州進南靖賊創甚悉遁
海南月港大猾二十有四人竊將號軍府無所問屬
將軍將軍則以羣小乘亂稱兵直負牛佩犢者耳不
足問察賊中故多受將軍賜者遣人諭之諸戎首聞
將軍名皆蒲伏受命其衆悉下將軍歸而請老謝軍
府毋論功其後妖賊林耿起南安多嘯聚軍府謂非
將軍不可強起之將軍乃俘耿徇市曹散其黨會軍
府方罷徵調境內虛無兵啗寇者將以閩委倭倭遞
至皆踰萬諸脅從騷騷利爲寇蟻附之聚徒積至四
十萬人列營連數十里孤城無內備無外援城中噉

噉獨登陴以幸旦夕賊發塚向城求貨不予且焚其尸大家爭募死士夜縋城各舉棺以匿及游公由方伯入軍府急將軍檄分部監司過將軍於舍監司通軍府意以幣先將軍乃由間道謁游公延爲上客止將軍宿幕府畫諸便宜將軍夜帥輕師襲之破三巢軍聲振矣尋祭山川誓部士因壇而軍客以爲言柰何懸孤軍爲注策申城守乘間出什全毋輕予敵將軍謝曰嗟乎此自盡之術也何謂什全彼其近者環城而傳之遠者絕我糧道即必有蚤暮吾寧能坐斃乎哉吾以一軍當門門以時啓閉彼無扞出入庶幾

猶得繼晨炊且業已成軍背城借一則吾事也吾觀
寇虐太甚彼固當衰天道好還終不以無道蔑有道
吾郡中橫及四鄙下及九原禍亂極矣天將悔禍其
在斯乎間者自賊中來言賊衆食少野無所掠聞將
軍出率首鼠兩端將軍帥潛師覘賊形以輕舟進猝
遇賊賊舉兵前將軍大呼曰來我東田歐陽深也若
能來決一死戰不即趣降賊故憚將軍皆辟易遂麾
兵分道進克七巢乘勝遞擊之遂破尾嶺英林潘徑
水田下浯上塘鄭坑諸砦俘馘渠魁以徇下其餘黨
數千人授軍府一券以歸官司無所問乃分遣故

部士習賊中者往諭禍福令趣降諸酋惟黃元爵謝
愛夫爲魁羣賊視之爲進止二酋則以將軍之言信
願自下將軍將軍許之羣賊皆解於是洪朝珍柯嘉
勛自漳州至蘇光祚康大福自興化至皆就降降者
無慮數萬人悉授券遣歸願從軍者置部下賊首江
璽李五觀首發難往往發塚陷城懼誅猶薄安平爲
亂郡人無不切齒願甘心焉將軍輒以新兵數千大
破賊俘璽五觀等凡八磔市中餘黨悉平境內安堵
如故軍府論最 詔進行都司署都指揮僉事成泉
漳其年倭大入閩破興化軍府檄將軍軍距賊南下

軍瀨溪從賊旣飽人人思挾重潛歸獨忌將軍無所
出會余乞浙師且至賊避興化壁崎頭而將軍進次
東霄距賊十五里而近賊憤則悉以精銳集將軍客
謂將軍請避其銳將軍嘆喟部士義不避綏勉之吾
黨得歿所矣遂帥新兵殊死戰賊且卻且前比日入
將軍中矛猶刃二賊以歿諸新兵翼將軍出入悉歿
之黃元爵奉將軍尸乃得歸歛及余護戚將軍軍至
殲賊酒林後將軍死期僅再踰月人謂將軍以烈歿
無讓睢陽事聞 詔賜祭葬立祠錄其子孫世襲指
揮僉事嗟乎將軍故千金子恂恂儒生及其擁虛號

倡義兵惟是軍府咫尺書耳未嘗授一旅之衆億石之儲也亦未嘗起世祿之家當推轂分閫之任也徒以拊循得士不戰而屈人之兵即宿將在師宜未及此乃若興化之事爲厲階者誰耶彼或受 詔赴援且爲將軍脣齒卒之觀望以幸成事並以爵祿考終飾巾有期異日何面目見將軍地下往閩事急余未及誅將事將軍子尚書郎述將軍質行甚具余入司馬習尚書郎賢乃今修死事功司馬事也將軍名在勲府余請得而誄之其辭曰

赫赫 世宗嘉靖萬邦海隅出日莫不來王島夷從

逆侵軼我疆迄于閩海亂略用張桓桓萬戶時維歐
陽布衣誦義劇季原嘗一呼而集我武維揚郡中底
定爰及清漳引身歸老脫屣戎行天降閩殃殫于壬
戌澤量僵尸禍及枯骨歸然孤城郊壘四塞豈無材
官蒙彼巾幗誰爲敗謀無庸一卒亦越游公首事決
筴維彼禍區匪伊弗克紹介監司車幣來薄豈伊不
懷父母之國將軍唯唯翻然杖策上謁轅門坐籌失
得卷甲夜歸勃有戰色發號選徒紛紛食客登壇誓
師鼓行而出城存與存他不遑恤有如一鷄惡用累
百獨秉潛師躬冒不測厲聲自名聞者褫魄分道前

驅賊吭可扼師無留行遽有俘馘脅從罔治歸爾營
窟授券爲徵勿復捕格羣凶四面盡解金革凡我無
知甘伏鈇質惟公肆赦投諸阡陌宣言爾來恢恢
帝德逋逃十萬咸與精白彼惛怙終干我典則我旅
維新轉戰逐北乘勝長驅罪人斯獲鈐棘耨鋤還我
舊物惟 帝念功申命有赫旻天不格寇集于莆何
物狂且哆口而呼天兵且至寇何爲乎僕夫不戒奄
忽已痛褫彼戎服竊彼兵符入爲內應寔繁有徒中
夜城壞悉爲夷俘斷斷宿飽故窟封狐血牙膏吻脾
睨歸途將軍至止夙夜援桴神姦不逞亦蓄凶圖先

聲號號組練從吳捐城避舍遵海且逋咫尺相望厥
左登弧今則鼃尾昔跋我胡債興疾視集此睽孤亦
知不敵避難非夫奮衣躍馬志在黃壚敵如脫兔我
則韓盧身先死士肝腦同塗戰不旋踵滅此乃鋪鼓
聲未死白日云徂力窮援絕天奪夷吾嗚呼哀哉凡
此有身得正即斃與幸須臾無寧徇義借曰不貲同
歸九地壯哉國士社稷之衛惟帝好生蠅蠕不廢肉
骨生死閭南萬億胡然不天吉人其肆仲氏世官伯
也主計宜爾阜昌本支百世誰謂冥冥厥有司契爾
躬不閱爾後之利狼睫如生陵則終殪脩短同條薰

猶異器國事在戎封疆是寄辨以致死引而勿替我
思舊勲敬告疆吏

故授太醫院吏目方長君誄

元年夏四月庚寅故授太醫院吏目方長君卒長君
名錫字天寵歛巖鎮人其先世由睦州徙歛靈山既
又由靈山徙巖鎮長君少從父受賈賈金陵則以真
州當江淮之交去金陵百里亦一都會也賈人治生
宜莫如真州便父然之其居貨由鄱陽輸真州轉轂
不絕乃帥次君鎮相與戮力居息遂優父大喜曰幸
哉有子吾何四方爲哉遂授政長君歸老巖鎮比長

君爲政生業益饒顧獨以孝友稱內外無間居常喜養生之術徧讀軒岐以下諸書往往投禁方活人甚衆長君所至則負疾者踵至不啻醫門搢紳大夫莫不折節行年六十輒釋業授諸子姪中分之無所私旣而杖策東歸踰年而長君歿鄉大夫方先生爲長君狀長君子佐奉狀而乞余言先生爲長君宗人其言可徵信古者生有令聞死則累其實行誄之概於長君爲人於法得誄誄曰

顯允方叔肇跡有周逮漢之季避地睦州考卜靈山奕葉綢繆始遷巖鎮厥若綴旒誰謂涓涓其流瀾瀾

誰謂星星少焉燦起五世其昌既蕃且侈爰及長君
世濟其美濟美伊何卓犖克家薄遊南國睥睨喧囂
輿區孔邇江淮之交庶賈歸富齎用以饒府君嘻嘻
迴車首路保我天年弛我擔負勞勞長君不愆故步
孝友光明昌大門戶旁綜仁術祇受禁方掛名執秩
入貲爲郎遵彼江介迄于鄱陽譬則越人生死存亡
春秋始耆知止不殆諸子受成秋毫畢會曰歸曰歸
父老咸在云胡不居游方之外嗚呼哀哉馳驅卒歲
亦埒素封巍巍堂構奕奕亢宗篤生令子蜚英辟雍
纂乃考服綽有遺風斑白飾巾胡不黃耆子姓拊膺

鄉鄰疾首人壽幾何孰能長久義問於宣庶幾不朽
嗚呼哀哉

丁孺人誄

丁海陽最程書孺人羅始服 譽命歲閏己亥海陽
以孺人訃聞嗟乎孺人已矣天之降割海陽者酷矣
太君疇依獨子疇恃家秉疇任宗室疇尸邪孺人歸
萬戶子舍中世業中否元父恃一逢掖傾三楚之良
供具悉出中厨不謀而辦客有急元父往往脫裝振
之取諸室中其應如響及元父舉楚周游兩都結客
四方垂橐不倦孺人任供億輸捆內如關中旣令海

陽孺人奉太恭人就養仰事聖善俯育岐嶷外肅戶
庭下均服食越在官守內顧以紆攻苦茹辛以相夙
夜昔歲寢疾居半傷于積勞族醫之技旣卑太恭人
爲之戚戚會故人聶少君禮嶽時道出海陽囊中出
五炁丹爲壽母令妻餽于時太恭人之神益王孺人
霍然就平色癯而腴膚剝而復駸駸有起色矣歲二
月少君遺一匕而行居亡何藥力浸殺孺人長太息
者再吾其飾巾待期元父胥命婺源乃發急足告急
比還報則從卧內詰御人役夫何來對曰婺源至孺
人長太息者再吾其與伯姒同歸乎先是萬婺源有

孺人之喪其于元父則同籍昆弟也既目元父舉嚮者言聞君當赴督學使者期恐不逮吾牖下元父飲泣就道踰月乃歸簿書相仍目不及瞬時方溽暑病者渴欲飲永命女僕以林水軟之移簣而寢牀下飲未及腹痰沸而上行元父急召群醫無所措手則席地而枕之股中夜而終太恭人哭之如喪七鬯元父哭之如喪輔車息子哭之如喪后土嗟乎孺人已矣是足爲夫子相爲士女師天奪之年惜也不佞旣負重傷聞坐談而色變于時以同盟至敬弔元父而誄孺人古者誄不及閨帷自不佞始可也其辭曰

楚衿萊婦居詘如羸朱絃中絕孰起湘靈猗與孺人
羅敷同黨公宮待年秦楚競爽自天作合乃服衿
相彼有匹其鳴關關公子魁梧萬夫之特九畹崇蘭
襲人芳澤承家不造置驛來賓登嘉薦旨異我良人
推解已勤然諾勿食如奉漏卮涓涓不塞旣空杼軸
佐以簪裾捉衿露肘雍容自如挾筴南宮游道日廣
資斧何居自中饋往歷十年所奉檄海陽魚軒接軫
姑婦相將婉婉天孫贊茲製錦豈曰無晨鷄鳴交儼
嗣君六尺日訓義方如童斯牯帝藉用臧餘力不遺
厓然中歲始於有家終也盡瘁上池旣涸金液可鋪

庶幾瞑眩從此昭蘇云胡咎徵占自鄰邑二姒同車
歸彼泉室蘊隆當暑薰心如焚巫陽不作誰與招魂
鳳失其曹婺沉于海老不可偕其心未改薄扶廣柳
言就脩塗溢城郢渚天黯江湖豈無楚妃嫣然殊色
維是貞良令儀靡忒昔駕鑾和稅于吉土天授之符
是爲歸所吉人妻矣天不憖遺是用爲誄女史職之

四十八郎誄

仲淹爲四十八郎贊郎首枕而拜其言謂其父曰願
得九伯父一言而瞑吉甫以告予復誄之

爾志亢宗不閔爾躬徂徠之松曾祖是封尋尺而折

我心如結於乎其以是爲子方訣

哀辭一首

襄莊王哀辭

余守襄 襄莊王獨親守有加禮後十年余至莊王
業已棄國人余問園陵去國門百里而近余居楚習
爲之歌楚以哀之其辭曰

思皇 先后起郢中些 睠茲近屬茂乃庸些 明明嗣
服睦周宗些 荃胡不居譽命同些 繫昔獻王胙赤土
些 敬共不貳方于魯些 維王中興及踵武些 綿綿世
祀保昌阜些 荃胡不居享純嘏些 我我主罷亶幼清

些胡然而金胡然而玉儼容聲些維仲若季淑且鈞
些荃胡不居翼有成些相彼後宮邦之媛些紘縱絺
綌躬爲儉些周南樛木無違怨些荃胡不居尚婉孌
些宗公有事序本支些藝蕭執鬯逆皇尸些儼然在
位如見之些荃胡不居燕歲時些漢水方城亘千里
些烝烝有衆何可勝齒些巷歌里相輟勿起些於戲
不忘不啻若其考妣些荃胡不居爲民紀些故宮岌
葉鬱雲興些高堂七仞城且平些方連交綺列丹楹
些洞房阿閣藉重褥些荃胡不居四體寧些東壁西
崑壯以麗些長筵曲宴禮樂備些四坐行觴歌既醉

些荃胡不居主高會些章華授簡感文章些厥有
玉獨擅場些仲宣鄴下當鴈行些杜陵夾業揚芬芳
些民歌出牧臨高陽些落日倒載甘楚狂些此皆蟬
蛻何有鄉些荃胡不居相翱翔些高唐之上朝雲暮
些粲粲天人豔初日些輕裾文履紛來集些便娟綽
約麗以則些荃胡不居友琴瑟些翩翩漢浦翔二妃
些英英結佩光陸離些若遠若近揚蛾眉些荃胡不
居引令儀些三湘七澤下秋潦些沅芷澧蘭富芳草
些荃胡不居可終老些陽阿激楚歌雜陳些倡以白
雪和陽春些流商刻羽妙入神些荃胡不居聽其真

些大椿有秋菌無昔些終古同歸彭殤匹些洵美有
子其儀壹些人貌榮名永無射些王公有土可用式
些亂曰靈之來兮夷猶乘白雲兮驅蓐收靈之去兮
阻修扈太一兮總九州懷故宇兮蒿目著遺愛兮千
秋